

PROTEVS  
DECLADE  
GEDANENSIVM INSIGNI IN  
PRVSSIA, CIRCA PAGVM RO-  
KITKI, DIE XVII. MENSIS,  
APRILIS ANOSTRIS  
RECENS AC-  
CEPTA,

X

IOACHIMO VOLSC.  
Bilscio Equite POLONO  
Autore.

ANNO DOMINI  
M. D. LXX. VII,



POSNANIÆ  
Melchior Neringk excudebat,



ARMA DOMVS ET  
 AMILIAE CLARIS-  
 SIMAE FIRLEIORVM



QVAM clarus nostris hic fit Leopardus in orbe  
 Firletum antiquæ nobile stemma domus,  
 Non opus est illum multis attollere verbis  
 Nil illo Arctidæ clarius orbe fuit.  
 Nam tot præstantes duri Mauortis in armis  
 Extulit innumeros ingenioque viros.  
 Quorum iam totum laus in clyta transit orbem,  
 Edisq; domos Hesperiumque solum.

M A G N I F I C O  
 DOMINO D. ANDREÆ FIRLEY  
 DE DABROVVICA CASTELLA-  
 NO LYBLINENSI, CAPITA-  
 NEOq; SENDOMIRIENSI & RE-  
 GNI MILITVM APVD GEDANVM  
 P R A E F E C T O.

DANTISCI longo memorandam tempore cladem:  
 . Dixerat ante mari quam meus iste senex.  
 Cui nam nunc agili calamo transmittere possim,  
 Descriptam dum animo ritè reuoluo meo.  
 Non alium inuenio Heroum fortissime FYRLEY  
 . Quam te tam clarum PALLadis arte virum,  
 Qui non spectator tantum tam stragis acerba  
 Verum etiam multi sanguinis autor eras,  
 Sanguinis autor eras, & eras pars optima belli,  
 Multaq; iudicio credo steterisse tuo.  
 Zborouiusq; Ducum tecum fortissimus omnes:  
 Partitus curas est reor ille suas.  
 Accipe tu tibi deuoti domuiq; potenti  
 Addicti famuli munera parua tuæ.  
 Et positis armis (quæ iam deponere nunquam  
 Deceuisti animo vir generose tuo.  
 Scilicet vt nunquam fugiant de corpore vires  
 Caniciei tuam cassis athena premat.)  
 Hæc mea placato iuuenilia carmina vultu  
 Perlege cærulei nuncia certa senis.  
 Postmodo non Protei vatis non vllius vsus  
 Fatidicis verbis Delphicolarque DEI.  
 Ipse prout fatis sunt omnia gesta secundis  
 Martia grandiloquo carmine bella etiam.  
 Et vestros tollam hos cantu super astra triumphos  
 Pierio, quos non auferat vlla dies,

A ij

Proteus

P R O T E V S  
E C L A D E G E D A  
E N S I V M I N S I G N I  
P R V S S I A C I R C A P A G V M R O -  
K I T K I D I E X V I I . M E N S I S  
A P R I L I S A N O S T R I S  
R E C E N S A C -  
C E P T A .

Ioachimo Volsc. Bilscio Equite  
PO Lono Autore.

**D**ECLIVEM curru SOL iam quatiebat Olympum:  
Demere purpureis fræna paratus equis.  
Cum subito in medio Neptuni gurgite vates  
Cærulea Proteus extulit ora domo.  
Marmoreæq; senex lacrymans in rupe resedit,  
Totus & ut tremulis cymba tremebat aquis.  
Omnis cum vasti circum gens incola ponti  
Strabant & Phocæ quas regit ille feræ.  
Tum sic suspiciens cælum murosq; GEDani.  
Præscius istius talia cladis ait:  
Oceano in liquido properas immergere currum  
Phœbe tuum, properes aureæ Phœbe, licet.  
Cras vultu ( ut video ) non multum oriere sereno,  
Dantisciq; minus manibus æquus eris.  
Credite Dantisci ( si quæ est prudentia vati. )  
Crastina lux vobis quod mala multa veliet,  
Fidite ne campo medio vix aggere tuti,  
Intus vos patria quæso tenete domo.  
Cuo nimium properas seseque miserrime miles  
His cingis telis? cui sera bella paræs?

Quo

Quo gauidi currus aut hæc tormenta vehuntur?  
 In dominum his aures nauibus ire tuum?  
 Non est imbelli ceruæ contendere tutum  
 Tygride cum rabida cumq; leone truci.  
 Frustra Aquilam celerem frustraq; columba lacesset,  
 Accipitrem, frustra rana resistet Aui.  
 Sauromatum video pridem sub montibus illis  
 Stare sua sæuos iam statione viros.  
 Aduentumq; tuum tanquam agnos turba luporum  
 Expectare: cohors est minor illa scio.  
 Sed tamen egregijs longè est præstantior ausis,  
 Exigui numero: sed fera dextra viris,  
 Heu date terga, dare ô miseri dum terga potestis  
 Inque precor vestras quisq; redite domos.  
 Philægra Giganteis moneat vos clara ruinis,  
 Non licet in magnos arma mouere Deos.  
 Cernitis vt cælum vobis quoq; multa minetur  
 Tristia, nec venti leuius omen habent.  
 Existis vestra quoties ex vrbe reuerti  
 Aspera vos rursus sæpè cõegit Hyems,  
 Scilicet & cælum & venti Diuique sinistri,  
 Et pia vos omnes fata redire monent:  
 Nec cum Sauromatum duro contendere bello  
 Gente sed ipsa iugo subdere colla iubent.  
 Namque & ego memini vestros quoq; sæpè parcentes  
 Olim sic cæsos hoc iacuisse solo.  
 Nec semel horrenda prostratos clade: POL Onum  
 Dum tentant aruis pellere fortè suis.  
 Ast illi nunquam Lachica cum gentè secundis  
 Semper & aduersis conseruère Dis.  
 Ibimus & totam vertemus funditus urbem  
 Qua latitant hostes, improbe miles ais?  
 Neue magis noceant vinctos ducemus in armis,  
 Sentiat & nostras Sarmatà fortis opes.  
 Ire equidem libet: ite nocet differre paratis,  
 Ibis at in damnum, heu perditur turba tuum.

A in

Funera

Funera ibi video multis mortemq; parari,  
 Mors est quo temeri tenditis atra viros,  
 Cerno spumantes mortali sanguine riuos  
 Decurrisse tuis ISTVLA diues aquis:  
 Et passim tumidos hac cæde rubescere fluctus  
 Atque cruore tetro pingue madere solum.  
 Cerno cætorum vestra de gente Solaræ  
 Millia in angusto multa iacere loco.  
 Stagna cadaueribus video iam plena lacusq;  
 Pleni amnes hominum, plenaq; fossa gemit.  
 Non vnum nostro genitrix in littore natum  
 Flebit quem genuit mæstaq; verba dabit:  
 Ah puer infelix ah factus es esca luporum,  
 Alitibusq; feris præda futura iaces.  
 Non mater morienti adero, non ipsa sepulchro  
 Imponam corpus, luminaque agra premam.  
 Flebunt & teneræ nuptæ, non vna facebit  
 In viduo coniunx orba relicta toro.  
 Forsitan & tempus veniet, cum finibus illis  
 Albuerit crebris ossibus omnis humus.  
 Vomereque in curuo cum verterit arua colonus,  
 Ernerit putri grandia crura solo.  
 Dixit & in magnum saltu se protinus æquor  
 Coniicit immensis ora rigatus aquis.  
 SOL quoque cæruleas cælo delapsus in vndas,  
 Gemmea purpureis vincula dempsit equis.

